

Renobacion di Nanki Club ta un proyecto fabuloso

ORANJESTAD (AAN): Ta for di 1996 caba, Coastal Club Aruba a tuma e decision pa traha riba plannan pa renoba y embecece e actual Nanki Club, cu nan a haya bao nan maneho y cu Gobierno a confirma na nan den carta di 5 Februari 1996.

Coastal Club Aruba a dicidi pa haci e area aki bunita, y sigur uno cu lo acomoda tanto local- y turistanan pa pasa momentonan agradable y divertido.

Pa tal motibo, directiva di Coastal Club Aruba a contrata 4-J Architects pa traha riba e plannan pa drecha e club, y e rapport nan a ricibi na December cu a pasa. E facilidadnan aki ta forma parti integro di sosten pa Coastal Club su grupo di Carnaval den ultimo añanan.

DIARIO a haya oportunidad pa entrevista arkitekto Jani Croes di 4-J Architects, pa asina mira kico su plannan ta pa haci cu Nanki Club.

E palabra "Nanki" ta uno Indian, y esey originalmente tabata e nomber pa e beach cu awor ta conoci como "Rodgers Beach".



Prome cu Arkitekto Jani Croes a cuminsa traha riba e proyecto, el a analiza henter e area pa check ki parti di e costa ta dedica pa naturaleza, ki parti pa residencia, ki seccion pa oficina, cual ta pa area industrial, y a enfoca despues riba e parti di recreacion.

E proyecto di Nanki Club lo cumpli completamente cu e

meta aki, y e embececimento na e parti pafor, interior, y tambe area di beach lo ta impresionante.

E prome fase lo encera manencion di e edificio existente, pa asina e lugar ta back den un bon estado. Segundo fase lo encera e 'landscaping' tropical tanto dilanti y patras.

E tercer fase lo traha completamente riba e area entre e

patio y laman. Lo construi un escenario grandi tambe pa tur clase di fiesta of concierto, y lo construi diferente facilidad deportivo, bar, y area pa sinta descanza.

Unavez cu e keda cla, Nanki Club lo conta back cu operacion completo di su facilidadnan, manera e Bowling Alley, e Teatro, Nightclub, Soda Bar y Restaurant, Health Center,

y tambe lugar special pa Coastal Club Aruba traha nan disfraz pa Paradanan di Carnaval.

E parti di landscaping dilanti lo ta fabuloso, y e club lo haya un 'entrada impresionante', y lo ofrece mucho mas actividad y orienta su mes riba e parti social, deportivo, y entretenimento. E area patras lo worde cera tambe, lagando solamente dos entrada pa aceso controla.

Kico e sentimento di Arkitekto Jani Croes tabata ora el a tende cu un Hotel luhoso lo bin na e lugar ey? "Un sentimento di shock," el a contesta DIARIO.

Claro cu tur hende involvi directamente cu Nanki Club, esta Coastal Club Aruba a haya un shock. Henter e asunto di Hotel luhoso a worde haci tras di nan lomba, y esey sigur no a haya bon recepcion.


Riba combinacion di fotonan por mira Arkitekto Jani Croes mustrand e bunita plannan pa drecha Nanki Club, pa cual financiamiento ta casi cla caba.



ISLAND ASIA

Tanki Leendert # 249 D+E
Banda di DUNKIN DONUTS.

Tel: 871949




AIWA CD PLAYER

Afis 196.00



Stoel Cu Wiel

Afis 73.00




SONY WEGA

Afis 2680.00



DAEWOO CVR

Afis 289.00



Wooden Screen

Afis 115.00



AIWA
3 c.d changer
dobel cassette
radio

Afis 399.00



MINI DISC
Mini Disc Player & Recorder
C.d Player/Cassette/Radio

Afis 826.00